

ԳՐԱՆՈՍՈՒԹՅՈՒՆ ԽՎ ՔՆՆԱԳԱՏՈՒԹՅՈՒՆ

## ՀԱՅ ԺՈՂՈՎՐԴԻ ՊԱՏՄՈՒԹՅԱՆ ԶՈՐԱՅԱՏՈՐՅԱ ԴԱՍԱԳՐՔԻ ԱՌԱՋԻՆ ՀԱՏՈՐԸ

(«Հայ ժողովրդի պատմություն», հատոր I, խմբագրությամբ պրոֆ.  
Վ. Պարսամյանի, Երևան, Հայպետտոմսմանկհրատ, 1963, 484 էջ):

Երևանի պետական համալսարանի հայ ժողովրդի պատմության ամբիոնի նախաձեռնությամբ ու նրա անդամների ջանքերով 1963 թ. լույս տեսավ հայ ժողովրդի պատմության չորս-հատորյա ձեռնարկի առաջին հատորը՝ պրոֆ. Վ. Ա. Պարսամյանի խմբագրությամբ: Հատորի հեղինակներն են՝ Ղ. Գ. Ժամկոչյանը, Ա. Գ. Աբրահամյանը, Ստ. Տ. Մելիք-Բախչյանը և Թ. Խ. Հակոբյանը:

Ինչպես նշվում է լույս տեսած հատորի նախաբանում, այդ կարևոր աշխատությունը «նախատեսված է համալսարանի և մյուս բարձրագույն ուսումնական հաստատությունների պատմության ֆակուլտետների ուսանողության, ինչպես և ընթերցող լայն հասարակության համար»:

Սովետական ընթերցողը միայն ոգշունել կարող է նման մի հրատարակություն, որը կոչված է բավարարելու կուլտուրական շինարարության տվյալ բնագավառում վաղուց արդեն լիցանավորող սուր կարիքը:

«Պատմության» լույս տեսած առաջին հատորն ընդգրկում է հայ ժողովրդի կյանքը սկզբից մինչև մեր թվարկության իններորդ դարը: Այն աչքի է ընկնում իր ռացիոնալ կառուցվածքով: Դարուստ րովանդակությամբ և նյութի հանրամատչելի շարադրանքով, որի հեղինակները նպատակահարմար են գտել հատորին նախակցել հետևյալ երկու նյութերը. ա) Համառոտ տեղություն հայ ժողովրդի պատմության աղբյուրների և գրականության, բ) Հայկական լեռնաշխարհի բնությունը և Մեծ Հայքի վարչական բաժանումը: Հատուկ ուշադրության է արժանի այն, որ գրքի երկրորդ գլուխը ամբողջապես նվիրված է Ուրարտական պետությանը՝ նրա հասարակական ու պետական կազմին, տնտեսությանը, կուլտուրային և պատմական նշանակությանը: Առաջավոր Ասիայի ժողովուրդների համար:

Առաջին հայացքից ամեն ինչ բարեհաջող է, նամանավանդ որ պատմության պերիոդացումը աշխատության մեջ կատարված է համաձայն հասարակական-տնտեսական ֆորմացիաների մարքսիստական ուսմունքի: Հայ ժողովրդի պատմությունը շաղկապվում է հարևան ժողովուրդների պատմության հետ և ներկայացվում է որպես համաշխարհային պատմության մի մասը: Դաշվի էն առնվում երկրի աշխարհագրական պայմանները և բնական հարստությունները, պատշաճ ուշադրություն և տեղ է հատկացվում ժողովրդի ազատագրական շարժումներին, նրա կուլտուրական զարգացման խնդիրներին: Քննարկվող աշխատությունը պաշտոնապես թույլատրված է, որպես դասագիրք բարձրագույն ուսումնական հաստատությունների համար: Ահա թե ինչու կարևոր է այս աշխատության գնահատականը նրա սկզբունքների ճշտության տեսակետից:

Հայ պատմագրության մեջ նոր ձեռնարկած «Պատմության» I հատորը մի որոշ առաջադիմական քայլ է: Սակայն մարքսիզմ-լենինիզմի տեսակետից չի կարող գոհացուցիչ համարվել յուրաքանչյուր աշխատություն, սոսկ նրա համար, որ հետաքրքրությամբ կարդացվում է և իր ընթերցողին մատակարարում է գիտելիքների մի որոշ պաշար: Դրա լավագույն ապացույցներից մեկը լեռնի «Հայոց պատմության» երկրորդ և երրորդ հատորներն են, որոնք պարունակում են հարուստ փաստական նյութ և կարդացվում են մեծ հետաքրքրությամբ, սակայն կրում են զուտ նկատագրական բնույթ, աղբյուրի են տեսական րովանդակությամբ, ուրեմն նաև ընդհանրացումներով և հետևություններով: Լեռն մեր ամենահարգված հեղինակներից է, հայ ժողովրդի կուլտուրական, զարգացման պրոցեսում խոշոր դեր է կատարել, Հայաստանի գիտությունների

ակադեմիան էլ շատ լավ է վարվել, հրատարակելով նրա «Հայոց պատմության» երկրորդ և երրորդ հատորները, որոնք արժանի են ընթերցողի ամենաբարձր ուշադրության, բայց և այնպես մեր ուսանողների ու ասպիրանտների համար պատմության գիտական ձեռնարկի դեր կատարել չեն կարող:

Իր ժամանակին էնգելսը նշել է, որ սոցիալիզմն արդեն գիտություն է և պահանջում է, որ իր հետ վարվեն որպես գիտության հետ: Իսկ սոցիալիզմը գիտության աստիճանի բարձրացնելու համար Մարքսը և էնգելսը նախապես պետք է գիտության վերածենին պատմությունը, քաղաքականությանը և տնտեսականորեն ձևավորելն պատմական շարժման ու զարգացման օրինաչափությունները՝ մի նախադրյալ, որի առկայությամբ միայն բնորոշվում է յուրաքանչյուր գիտություն ոչ միայն բնության բնագավառում, այլ նաև հասարակական ու հոգևոր կյանքում:

Իր պատմական մեծ նախատեսումներով և այդ նախատեսումների գործնական կիրառումով ավելի քան մի դարի ընթացքում, հատկապես վերջին հիսնամյակում մարքսիզմ-լենինիզմը պրակտիկորեն ապացուցեց, որ պատմությունը գիտություն է և կոչված է պրոլետարիատի դասակարգային պայքարում և սոցիալիզմի շինարարության պրոցեսում վիթխարի դեր կատարելու: Օրպես մի հզոր գաղափարական գործիք, 1848 թ. հեղափոխություններից և նամանավանդ Փարիզի կոմունայից ու պրոլետարիատի մի շարք խոշոր նվաճումներից սառսուփած բուրժուազիան 19-րդ դարի երկրորդ կեսում հրաժարվեց ճանաչել պատմությունը որպես գիտություն, սկսեց ուղղակի հեղեղել ու ավանտյուրիզմ հայտարարել ապագա կանխատեսելու ամեն մի փորձ, ամեն մի թեորիա: Ելնելով իր դասակարգային շահերից, բուրժուազիան այլ կերպ վարվել չէր կարող, քանի որ բարձր զարգացման հասած կապիտալիզմը անխուսափելիորեն տանում է դեպի պրոլետարական սոցիալիստական հեղափոխություն, ստեղծում է սոցիալիզմի թեօրյեկտիվ և թեօ սուրյեկտիվ նախադրյալները, սոցիալիզմը դարձնում է պատմական անխուսափելիություն: Ի լուր ամբողջ աշխարհի հայտարարել կապիտալիզմի փոխարինումը սոցիալիզմով, բուրժուազիայի համար կնշանակեի ազդեցիկ մղել հոգուտ իր կործանման, նպաստել պրոլետարիատի կազմակերպմանը և ավելի մոտեցնել սոցիալիստական ռևոլյուցիայի բոլորն կումը:

Բուրժուազիան անհնարին հայտարարեց գիտական պատմագրությունը, ուրեմն ժխտեց պատմական օրինաչափությունները և դրանց հիման վրա կատարվող պատմական կանխատեսումները, իսկ մեր ապրած դարաշրջանում բուրժուազիայի ռեակցիոն ուժերը ամեն կերպ ճգնում են արգելակել մարքսիզմ-լենինիզմի պատմագիտական ուսմունքի տարածումը, սոցիալիզմի պատմական մեծ նվաճումները ներկայացնել որպես պատահականություններ և ժամանակավոր երևույթներ:

Մեր օրերից ընդամենը տասնմեկ տարի առաջ պատմագրությունը մեզ մոտ վտարված էր հետին պլանը, զուրկ էր ստեղծագործական ուղիով առաջ ընթանալու ամեն մի հնարավորությունից, դատապարտված էր հետևելու մի այնպիսի ղեկավարի հրահանգներին ու ցուցումներին, որն ինքը պատմության խնդիրներում չափազանց հետամնաց ու սուսմանափակ էր, այնքան սահմանափակ, որ պատմագիտությունը վերածեց դոգմաների ու չհիմնավորված ֆորմուլաների: Այդ շարահարստիկ ուղղությունն առանձնապես ծանր հետևանքներ ունեցավ պատմագիտության մեթոդիկայի համար:

ՄԼԿՊ-ի XX և XXII համագումարները պատմագիտության զարգացման լայն հորիզոններ բացելով, պահանջեցին պատմագրության ճակատի բոլոր գործիչներից խստիվ հետևել մարքսիզմ-լենինիզմի պատմական ուսմունքի հիմունքներին, գիտական աշխատույնի տալ ստեղծագործական բնույթ, օգտագործել իրենց տրամադրության տակ գտնվող ամբողջ նյութը և անշեղորեն կիրառել Մարքսի, էնգելսի և Լենինի մշակած պատմական մեթոդիկան:

Այժմ անցնենք մեր բուն հարցին. որքանով է քննարկվող «Պատմության» առաջին հատորի հեղինակներին հաջողվել կիրառել պարտիայի համապատասխան որոշումները և օգտագործել պատմագրության վերելքի համար ստեղծված նպաստավոր նոր պայմանները:

Քննարկվող «Պատմության» առաջին հատորը, լինելով ընդհանուր առմամբ մարքսիստական և չպարունակելով որևէ շեղումներ մարքսիզմից, այնուամենայնիվ պատմագրությանը մեր օրերին առաջադրվող պահանջները բավարարելուց շատ հեռու է: Հատորի հեղինակները խոշոր սխալ են կատարել, աննպատակահարմար գտնելով տնտեսական ամեն մի էքսկուրս և իրենց շարադրությանը տալով զուտ նկարագրական բնույթ: Հատորի հեղինակները ոչ մի դաս չեն քաղել գիտական կոմունիզմի հիմնադիրների բազմաթիվ պատմական երկերից, որոնք այնքան հագեց-

ված են տեսական բովանդակությամբ: Եվ հետևանքն այն է, որ ստացվել է մի սովոր հատոր, որը ղեկի է հակամարքսիստական մտքերից ու դրույթներից, սակայն մարքսիստական մտքերով էլ չի փայլում:

«Ապոմոլոյան» առաջին հատորի հեղինակները թեորհայի նկատմամբ չափազանց ժխտ են: Նրանք ճանաչում և իրենց աշխատությունում կիրառում են թե՛ հասարակական-տնտեսական ֆորմացիաների ու դասակարգային պայքարի և թե՛ պատմական պրոցեսի օբյեկտիվ օրինաչափության մարքս-լենինյան թեորհանքն ու սկզբունքները, սակայն այդ բոլորը ճանաչում և կիրառում են սխեմատիկ կերպով, այդ թեորհանքերի ու սկզբունքների մասին բարձր խոսելուց, կարծեք ինչ որ վախ են կրում և վերջականորեն օգնության են դիմում յուրաքանչյուր անգամ, երբ շարադրության շարունակությունը տրամաբանորեն պահանջում է որոշ տեսական հետևություններ անել այս կամ այն ֆորմացիայի օբյեկտիվ օրինաչափությունների կամ դասակարգային պայքարի ձևերի մասին հայ կոնկրետ իրականության պայմաններում: Հարցն այն չէ, օրինակի համար, որ ճանաչվի ստրկատիրության կամ ֆեոդալիզմի առկայությունը հայ ժողովրդի պատմության պրոցեսում, այլ այն, որ հետազոտվի և տեսականորեն ձևավորվի այդ ֆորմացիաների կոնկրետ օրինաչափությունների խնդիրը Հայաստանի պատմության մեջ, ցույց տրվի, թե ինչ նմանություն և տարբերություն է գոյություն ունեցել հայկական և օրինակի համար, հռոմեական ստրկության միջև, հայկական ֆեոդալիզմի և իրանական ու բյուզանդական կամ ախաթական ֆեոդալիզմի միջև:

Եվ նաև թողնվողի բարեկամները և ինչպե՞ս են նրանք մարտնչում սոցիալ-դեմոկրատների դեմ իր անզուգական գործում մեր օրերից յոթանասուն տարի առաջ լենինը ռուս նարոդնիկներին բացատրում էր, թե ինչ է ներկայացնում Մարքսի «Կապիտալի» կմախքը և ապա, նրանց համառ անհասկացողությունը հաղթահարելու նպատակով, ավելացնում էր. «Ամբողջ բանն այն է, սակայն, որ Մարքսը չբավարարվեց այս կմախքով, որ նա շատ անհամարժեք սոսկ «տնտեսագիտական թեորհայով» բառիս սովորական իմաստով, որ—տվյալ հասարակական ֆորմացիայի կազմությունն ու զարգացումը բացառապես արտադրական հարաբերություններով բացատրելով—նա, այնուամենայնիվ, ամենուրեք ու մշտապես հետախուզում էր այդ արտադրական հարաբերություններին համապատասխանող վերնաշենքերը, միս ու արյուն էր տալիս կմախքին»:

Մսի ու արյան այս բացակայությունն է ահա, որ կազմում է քննարկվող առաջին հատորի աղաղակող թերությունը:

«Կապիտալ»-ը հենց այն պատճառով այնպիսի հսկայական հաջողություն ունեցավ, շարունակում է լենինը, որ «գերմանացի տնտեսագետի» այս գիրքն ընթերցողին ամբողջ կապիտալիստական հասարակական ֆորմացիան ցույց տվեց որպես կենդանի՝ իր կենսապական կողմերով, արտադրական հարաբերություններին հատուկ՝ դասակարգերի անտառնիզմի փաստական սոցիալական արտահայտությամբ, կապիտալիստների դասակարգի տիրապետությունը պաշտպանող բուրժուական բաղադրական վերնաշենքով, ազատության, հավասարության ու այլ բուրժուական գաղափարներով, բուրժուական բնատենական հարաբերություններով» (Նրկեր, հատ. I, էջ 159—160):

Դասագրքում ընդունած՝ հայ ժողովրդի պատմության պերիոդացումը արտաքուստ լիովին համապատասխանում է հասարակական-տնտեսական ֆորմացիաների մարքս-լենինյան ուսմունքին, սակայն մեր հեղինակները, թերազնահատելով դասագիրքը, որպես գիտական աշխատություն, բնավ չեն զբաղվել այն հարցով, թե արտադրողական ուժերի զարգացման պրոցեսում ֆորմացիաներից յուրաքանչյուրը ինչպես է գոյացել, աճել և տեղի տվել մի այլ ֆորմացիայի, որը արտադրողական ուժերի զարգացման, տնտեսական ու կուլտուրական վերելքի համար շատ ավելի լայն ասպարեզ, շատ ավելի նպաստավոր հասարակական պայմաններ է ներկայացնում: Դասագիրքը շատ աղուտ հասկացողություն է տալիս այն մասին, թե հազարավոր տարիների ընթացքում նախնադարյան համայնքի գրկում ինչպես են գոյացել մասնավոր սեփականությունը, դասակարգերն ու պետությունը, տնտեսական ինչ նախադրյալներ են պահանջվել շահագործման ծագման ու տարածման համար, շահագործման վրա հիմնած դասակարգային հասարակությունը ինչու է ավելի բարձր դասվում. քան նրան նախորդած համայնական կարգը, ստրկատիրական հասարակության ծոցում ինչպես են գոյանում ֆեոդալիզմի նախադրյալները, ստրկատիրության նկատմամբ ֆեոդալիզմը ինչ առավելություններ ունի և այլն:

Տեղեկագիր 12—6

Ֆորմացիաների միջև ստեղծվող կապը արտադրողական ուժերի ժառանգման միջոցով և մի ֆորմացիայի վերաճումը մի այլ, ավելի բարձր ֆորմացիայի՝ պատմության այդ ամենավճռական խնդիրներից մեկը գրքի հեղինակների ուսումնասիրության լուրջ առարկա չի կազմել։ Հատկապես անբավարար է բացատրված անցման պրոցեսը ստրկատիրությունից ֆեոդալական ֆորմացիային։ Ի դեպ, չի կարելի չնշել կոլոնատի էությանը և նրա պատմական դերին նվիրված լատվս. ծի բոլորովին անմշակ վիճակը։

Ամենից շատ առարկություններ և ուղղակի զարմանք է առաջացնում ֆեոդալիզմի և ճորտության խնդրի շփոթ մեկնաբանությունը։

Գրքի X գլուխը՝ նվիրված «Սոցիալ-անտեսական հարաբերություններին վաղ ֆեոդալիզմի շրջանում» սկսվում է հետևյալ պարբերությամբ. «Հայաստանի ռազմա-ստրատեգիական հասարակությունը մեր դարաշրջանի սկզբներից սկսում է ճեղքեր տալ։ Քայքայվող հին հասարակության ծոցում իստիճանաբար զարգանում և ձևավորվում է արտադրության ֆեոդալական եղանակը։ Ստրկատիրական ավագանու փոխարեն պատմական հրապարակ է իջնում և իշխող դիրքեր գրավում հայ նախարարական ազատանին» (էջ 269)։

Եթե, նույնիսկ տեղին համարենք ռազմա-ստրատեգիական հասարակությունն արտադրությունը, որը կարող է վերաբերվել միայն ստրկատերերի դասակարգին, դարձյալ պարբերության առաջին նախադասությունը կլինի սխալ ձևավորված, քանի որ ճեղք տվողը եղել է ստրկատիրական ամբողջ սիստեմը. որի սնանկացման պրոցեսում միայն, որպես այդ պրոցեսի նետանք, կարող էին ճեղքեր գոյալալ ռազմա-ստրատեգիական հասարակությանն շնքում, ստրկատերերի հասարակական-պետական կազմակերպություններում։

Պարբերության երկրորդ նախադասությունը, լինելով էապես ճիշտ, այնուամենայնիվ կարիք ունի լուրջ լրացումների, քանի որ ոչ այդտեղ և ոչ հետագա էջերում գրքի հեղինակները կանգ չեն առնում այն կարևորագույն խնդրի վրա, թե ո՞ր դասակարգերի արտադրական հարաբերության վրա էր հանգչում արտադրության ֆեոդալական եղանակը։ Ինչպես հայտնի է, Արևմտյան նվորպայի և Ռուսաստանի բազմաթիվ ազնվականական և բուրժուական պատմաբաններ ֆեոդալիզմը տարածում են միայն իշխող կալվածատիրական-ազնվական դասակարգի տարրեր խավերի ներքին հարսբերությունների վրա, լրիվ մոռացության տալով, որ ֆեոդալիզմը ոչ այլ ինչ է, քան կալվածատիրության և գյուղացիության արտադրական հարաբերությունը և այդ հարաբերությունից բխող ու նրա վրա հանգչող հասարակական ու պետական կազմը, եկեղեցին, ընտանիքը, փիլիսոփայական ու բարոյական գաղափարները։ Ինչպես նշում է Լենինը, ֆեոդալական էր ոչ միայն կալվածատիրոջ, այլ նաև գյուղացու տնտեսությունը։ Ֆեոդալական կարգը իր թևերը տարածում էր կյանքի բոլոր բնագավառների վրա, ներթափանցում կալվածատիրոջ և գյուղացու, թագավորի և նրա պաշտոնյաների, հոգևորականի և աշխարհիկ մարդու, առևտրականի և արհեստավորի հասարակական, ընտանեկան և հոգեկան ու բարոյական կյանքը, նրանց կյանքի ամենաթաթուն անկյուններն ու ծակոտիները։ Ֆեոդալական կարգը չէր սահմանափակվում իշխող կալվածատիրական դասակարգի գոյության ներքին պայմաններով, ներկայացնելով առաջին հերթին կալվածատիրոջ և գյուղացու արտադրական հարաբերությունը և այդ հարաբերության շրջանակներում՝ կալվածատիրության և հասարակության բոլոր մյուս խավերի համակողմանի հարաբերությունը։

«Պատմության» առաջին հատորի թերություններից մեկն էլ այն է, որ նրանում ավելի ուշադրություն է նվիրվում դասային, քան դասակարգային հարաբերություններին։ Ֆեոդալների մեծամեծ դասային արտոնությունները ինքնըստինքյան ենթադրում էին հասարակության բոլոր մյուս խավերի դասային աղաղակող սահմանափակումները, սակայն, լայն իմաստով վերցրած՝ ֆեոդալական հասարակության կյանքի, նրա շրջանակներում մղվող դասակարգային պայքարի հիմքը կազմում էին ոչ թե դասային, այլ դասակարգային հարաբերությունները։ Իշխող դասակարգի ձեռքում դասային արտոնությունները լուրջ գործիք էին՝ գյուղացիներին և հասարակության բոլոր մյուս խավերին իրենց դիկտատուրային ենթարկելու, նրանց դասակարգային պայքարը կանխելու և ճնշելու, իրենց անփականությունը և իշխանական դիրքը կանգուն պահելու համար։ Ֆեոդալական հասարակությունը բաղկացած էր դասակարգներից և ոչ թե դասերից։ Ժիշտ է, իրենց վայելած արտոնությունների շնորհիվ է միայն, որ ֆեոդալները հնարավորություն էին ընձեռում ապահովելու իրենց դասակարգային դիկտատուրան և առանց այդ արտոնությունների իրենց իշխող դիրքերը պահպանել չէին կարող, սակայն և այնպես ֆեոդալիզմի հիմքը սեփականատիրական ու դասակարգային հարաբերություններն էին։

Արտադրական հարաբերությունների վճռական դերի թերագնահատումը ցայտուն արտահայտություն է ստանում նույն պարբերության երրորդ նախադասությունում, որտեղ ասված է. «Ստրկատիրական ավագանու փոխարեն պատմական հրապարակ է իջնում և իշխող դիրքեր զբաղում հայ նախարարական ազատանին: Հարցի էությունն անտեղյակ ընթերցողը այստեղից կարող է հանդել միայն այն եզրակացությանը, որ Ֆեոդալիզմի ձևավորումը կատարվում է կործանվող ստրկատիրական և վերելք ապրող ֆեոդալական ֆորմացիաների իշխող դասակարգերի խաղաղ թև մարտական հարաբերությունների նեղ շրջանակներում, առանց որևէ մասնակցության շահագործվող մասսաների կողմից: Միևնույն ժամանակ կալվածատիրության գոյացումը, հաստատումը, ինչպես և ֆեոդալական արտոնությունների նվաճումը նորաստեղծ իշխող դասակարգի կողմից կատարվել են հարյուրավոր տարիների պատմություն ունեցող անագորույն պատերազմների միջոցով, որ մղվել են նոր կազմավորվող ֆեոդալ դասակարգի կողմից ոչ միայն ստրկատերերի և ստրկատիրական պետության, այլ նաև, որ ամենակարևորն է, գյուղատնտեսության հետ կապված աշխատավոր մասսաների դեմ՝ բռնի ուժով հողատեր ու կալվածատեր դառնալու և նվաճած գյուղացիական մասսաների հավելյալ արդյունքը յուրացնելու ունալ նախապետություններ ապահովելու համար:

Հայ աշխատավոր մասսան ոչ թե ապրել, այլ ֆիզիկապես ու բարոյապես տանջվել է ֆեոդալիզմի կապանքներում մեկ ու կես հազար տարի, և ընթերցողը չի կարող չպահանջել, որ հանգամանորեն ցույց տրվի, թե ստրկության լծից նոր միայն ազատագրվող այդ մասսան դասակարգային պայքարի պրոցեսում որքան ծանր ողջոցություններ պետք է վերապրեր, որքան պարտություններ պետք է կրեր, որ զույգը խոնարհեր հաղթանակած շահագործողների հրոսակախմբերի առջև և նրանց թույլ տար քրիստոնեական եկեղեցու արհեստագործարարների կապանքներով շղթայել իրենց ձեռքն ու ոտքը, լեզուն ու բանականությունը: Չի կարելի ընդունել «Կոմունիստական մանիֆեստի» հռչակավոր դրույթը դասակարգային պայքարի պատմական վճռողական դերի մասին և լուծության մատենել 2—3 դար տևած մի զառանգ դասակարգային պատերազմ, որի հետևանքով մի ամբողջ ժողովուրդը դատապարտվում է ֆեոդալիզմի մարդատյաց ուժիմի տանջանքներին: Ուշտ է, աշխատության մեջ նշվում է, որ «ինչպես ֆեոդալական շատ երկրներում, այնպես էլ հայ իրականության մեջ, իշխել է բուրժուազիա օրենքը, որը այնքան սեղմ և պատկերավոր ձևակերպել է պատմահայրը. «Սահմանք թաղաց՝ զեն իրիանց, որքան հատանի, այնքան ունի», այլ խոսքով ասած՝ տերության սահման որոշողը ունի է. ինչքան կարող է, այնքան էլ կ'տրի» (էջ 272):

Նախ պետք է նշել, որ ուժը հանդիսացել է սահման որոշողը ոչ թե ֆեոդալական շատ երկրներում, այլ անխտիր ֆեոդալական բոլոր երկրներում, և երկրորդ, որ Մ. Խորենացու երկից բերած բաղվածքում խնդիրը վերաբերում է ոչ թե գյուղացիության և կալվածատիրության միջև մղված դասակարգային պայքարին, այլ կալվածատիրական դասակարգի արջանակներում տեղի ունեցած անվերջ ներքին պատերազմներին ու փոխադարձ զգվոտոցին: Խորենացու մոտ «զեն իրեանցը» բոլորովին այլ իմաստ ունի, քան Կ. Մարքսի մոտ «արտատնտեսական հարկադրանքը», որն անմիջականորեն վերաբերում է ֆեոդալիզմի երկու հիմնական դասակարգերի փոխհարաբերությանը, հատկանշում է գյուղացու արտագրած հավելյալ արդյունքի յուրացման մեթոդը կալվածատիրոջ կողմից: Մեզ մնում է միայն զարմանք հայտնել այն առթիվ, որ ֆեոդալիզմին նվիրած այդ ստվար հատորում Մարքսի կլասիկ բնորոշմանը ոչ մի անգամ չեն հանդիպում: Եվ չի կարելի չնշել, որ առաջին հատորի հեղինակները ընդհանրապես միայն անշնչան շարժվել են օգտվել ֆեոդալիզմի վերաբերյալ այն անսահման հարուստ, նյութից, որ պարունակում են գիտական կոմունիզմի հիմնադիրների համապատասխան բազմաթիվ երկերը: Նշահակալից է, որ ամբողջ գրքում Մարքսը վկայակոչվում է երեք անգամ, էնգելսը՝ չորս անգամ, իսկ Լենինի անունը անվանացանկում որոնելի մի բոլորովին անպտուղ աշխատանք է:

«Պատմության» առաջին հատորի ընթերցողը չի կարող նույնիսկ յղարգ զաղափար կազմել այն մասին, թե ֆեոդալ կալվածատերը ինչպես է տարբերվում ստրկատեր կալվածատիրոջից, ինչպես և բուրժուական աշխարհի կալվածատիրոջից: Բուրժուական պատմագրության մեջ այս պարզ խնդիրն այնքան է խճճվել, որ ումանք կարծես հակված են անխտիր ֆեոդալներ համարել բոլոր ֆորմացիաների խոշոր կալվածատերերին, այդ թվում նաև արդի Անգլիայի խոշոր հողատերերին: Իսկ եթե իրենց աշխատանքի պրոցեսում մեր հեղինակները դիմեն գիտական կոմունիզմի հիմնադիրների օգնությանը, առանց երկար պրպտումների կիմանային, որ ֆեոդալն օժտված է լինում բազմաթիվ իշխանական իրավունքներով, որոնցից գուրկ են ոչ միայն կապիտա-

լիստական երկրների, այլ նաև ստրկատիրական երկրների խոշոր հողատերերը Լնգելսը ուղղակի գրում է, որ յուրաքանչյուր ֆեոդալի իդեալն էր՝ իրեն եկամտավոր գյուղացիների նկատմամբ դառնալ մի իսկական անսահմանփակ միսսիյետ՝ որի ներքին գործերին չի կարող միջամտել, նույնիսկ տվյալ երկրի թագավորը։ Իսկ միթե՞ շահած չէին լինի պրքի հեղինակները, եթե, հետևելով Մարքսին, հայ ֆեոդալների հողային սեփականությունը հայտարարեին բաց թալանի ու գողության արդյունք։ Եվ որքան կփոխվեր հայ ժողովրդի ֆեոդալական շրջանի պատմության ամբողջ շարադրությունը, եթե հաշվի առնեին ուսական ֆեոդալիզմի նկատմամբ Լինինի առաջադրած այն դրույթը, որ XX դ. սկզբում Ռուսաստանում իշխող ճորտատեր-կալվածատերների հողատիրության հիմքը ստեղծվել է ճորտատիրական իրավունքի պատմության մար, ազնվատոհմ ազնվականության կողմից դարձրած ճարտ-նախ հողեր կողպետելու պատմության մար (հատ. 13, էջ 541)։

Խոշոր հողատիրության գոյացումը միշտ և ամենուրեք պայմանավորված է եղել գյուղացիների մասնավոր-սեփականատիրական և համայնական հողերի կողոպուտով, պետական հողերի յուրացումով, մանր կալվածատերերի կործանումով, գողության բազմապիսի եղանակների կիրառումով. սեփականակիցների ֆիզիկական ոչնչացումով և նման այլ բրնական միջոցներով։ Ինչպես հայտնի է, կալվածատերերը ոչ միայն հողի մշակության մեջ զբաղվում, այլև իրենց ազնվականությունը հիմնավորում են ֆիզիկական աշխատանքից ազատագրվելու փաստով։

Վերջին հարյուր տարվա հայ լիբերալ գրականությունը շատ հարուստ է երկերով, հատկապես՝ պատմական վեպերով, որոնք անվերջ շատագրվում են հայ ազնվականներին, նախարարներին ու թագավորներին, հայտարարելով դրանց բոլորին հայ ժողովրդի լավագույն ներկայացուցիչներ ու պաշտպաններ, որոնց միակ հոգսը կազմել է հայ ժողովրդի բարեկեցությունը։ Ենթադրման վրա հիմնած անցյալը մեծարկու գործում հայ բուրժուական պատմագրությունը գեղարվեստական գրականությունից ոչ միայն ետ չէր մնում, այլև իր հետամնաց ու անհնադատական թեորիաներով զարկ էր տալիս սխալ հայացքների տարածմանը։ Գաղտնիք չէ, որ այդ հետամնաց հայացքները, դեռևս հաշվադրված լին նաև սովետահայ պատմավիպասանության մեջ, հանգեցնելով, ինչպես ասված է ՍՄԿՊ Մրագրում, անցյալի իդեալականացման և ժողովուրդների պատմության մեջ սոցիալական հակասությունների սքողման։

Պատմության առաջին հատորը գերծ է հակագիտական այդ բոլոր հայացքներից, քակայն նրա հեղինակները լին օգտվում հարմար առիթից՝ անհայտ պայման մղելու հայ ազգայնական պատմաբաններից ու գրողներից մեզ ժառանգություն մնացած հայացքների դեմ, որոնք խոչընդոտել են ստեղծել տալու հայ ժողովրդի պատմության IV—V դարերի հարուստ սոցիալական բովանդակության գիտական վերլուծությունը և գնահատականը։ Տվյալ դեպքում մեր հեղինակները համեստորեն լռություն են պահպանում, չեզոք դիրք են գրավում, թեև նրանց համար գաղտնիք չէ, որ լռությունը և չեզոքությունը ևս բաղաբականություն են, այն էլ սովորաբար ոչ-գովելի քաղաքականություն։ Նա, ով ինտերնացիոնալիստ չէ և հրապարակորեն չի պայքարում հանուն ինտերնացիոնալիզմի, չի կարող պարծենալ նրանով, որ կտրականապես դեմ է շովինիզմին կամ չի նպաստում նրա գոյությանը։ Ինչ վերաբերում է ՍՄԿՊ Մրագրի պահանջին՝ մղել նույն անհայտ պայքարը անցյալի իդեալականացման և ժողովուրդների պատմության մեջ սոցիալական հակասությունների սքողման տեղեկանքների դեմ, ապա այստեղ մեր հեղինակները, բոլորովին անկախ իրենց հայացքներից ու ձգտումներից, օբյեկտիվորեն պարզապես մեղանշում են, քանի որ շրջանցում են մի շարք կարևոր հարցեր, օրինակ, կալվածատիրական դասակարգի գոյացման հետ անխզելիորեն կապված Ծալանը, սեփականագրկումը, բռնությունը մի կողմից, գյուղացիների և այլ մանր սեփականատերերի պաշտպանորական պատերազմները, մյուս կողմից։

Անցյալի իդեալականացման և սոցիալական հակասությունների սքողման նույն տպավորությունն է ստանում ընթերցողը աշխատության այն էջերից, որոնք նվիրած են նախարարների և թագավորի փոխհարաբերություններին, նախարարները բնութագրվում են, որպես ժողովրդի վիճակի և պետության ապագայի մասին բնավ չհույսացող մարդիկ, իսկ թագավորներն օժտվում են այն բոլոր ձիրքերով ու առարկաներով, որոնք պահանջվում են ժողովրդի և պետության առջև ծառացող նման վեճ խնդիրները լուծելու համար։ Եվ մեր հեղինակները, հետևելով հայ և օտար բազմաթիվ պատմաբանների օրինակին, կողմերի տարածայնությունների աղբյուրը տեսնում են նրանում, որ նախարարները եղել են պետական իշխանության հետևողական ապակենտրոնացման, իսկ թագավորները՝ այդ նույն իշխանության առավելագույն կենտրոնացման

կողմնակիցներ ու պաշտպաններ: Բաղավորին նախ զատում են ֆեոդալ դասակարգի վերին խավերից և ապա նրան վերագրում մի քաղաքական ծրագիր, որո հակառակ էր վաղ ֆեոդալիզմի վերելքի ունալ պայմաններին ու պահանջներին: Մինչդեռ իր դասակարգային դիրքով թագավորը նույն նախարարն էր և իր եկամուտներն աճեցնելու, իր իշխանությունն ընդլայնելու և ամրապնդելու համար դիմում էր պայքարի նույն թալանչիական եղանակներին, որոնք հատուկ էին բոլոր մյուս նախարարներին:

Հայ ժողովրդի պետականության վերացման և հետագայում նրան վիճակված ողորդական գոյության համար հայ թագավորները, չափովի բարձր պատասխանատվություն են կրում: Բան նախարարները, բանի որ նրանց հիմնական անելիքը բազմաթիվ նախարարների համապետական կազմակերպումը և երկրի պաշտպանությունն էր արտաքին վտանգից: Ինչպես ամենուրեք, Հայաստանում եւ ստրկատիրությունից ժառանգած միակ հարստությունը հողն էր, որի մշակման միջոցով միայն ժողովուրդը կարող էր փրկվել քաղցի սպառնացող վտանգից: Ստրկատիրության վերացումը հանգեցրեց ընդհանուր փլուզումի տնտեսության և պետական ղեկավարության բոլոր ոլորտներում: Սնանկացած պետությունը հազիվ-հազ բարձր էր տալիս իր գոյությունը, որն է հեղինակություն չէր վայելում ոչ աշխատավոր լայն մասսաների շարքերում և ոչ ֆեոդալների մոտ, ոչ ոքի ոչնչով օժանդակել չէր կարող, ըստ այնմ նրանից որն է սպասելիքներ չունեին ոչ ժողովուրդը և ոչ նոր միայն կազմակերպվող ֆեոդալական կալվածքները: Այն ինչ թագավորը և նրա տրամադրության տակ գտնվող պետական ապարատը կարող էին իրենց դոյությունը սահմանել և այս կամ այն չափով կատարել, իրենց պարտավորությունները երկրի պաշտպանության դրոժում բացառապես ախտատվոր մասսաներից և ֆեոդալներից գանձվող նյութական միջոցներով, ինչպես և նրանցից ստացվող ռազմական ուժերով: Հետևապես ոչ թե նախարարները կախում ունեին թագավորից, այլ թագավորն էր, որ բազմակողմանի կախման մեջ էր ընկել նախարարներից և ֆեոդալ դասակարգի ավելի ստորին խավերից:

Վաղ ֆեոդալիզմի շրջանի հայ թագավորներին հետադարձության և հայրենասիրության փետություններով պահագրգռող պատմաբանները, բարձր գնահատելով կենտրոնացած պետության հնարավորությունները, ելնում են րացառապես իրենց բարի ցանկություններից, հաշվի չառնելով, որ կենտրոնացած հզոր պետության գոյությունը IV—V դարերի Հայաստանում համազոր կլիներ նոր միայն ձևավորվող ֆեոդալական կարգի վերացմանը և ստրկատիրության մասնակի կամ լիակատար վերականգնմանը: Սակայն ֆեոդալիզմը նշած դարերում արդեն այնքան խոր արմատներ էր պցել հայ իրականության մեջ, որ վերադարձը նախորդ ֆորմացիային լրիվ րացառվում էր: Ինչ վերաբերում է անձնապես հայ թագավորներին, որոնք սնվում էին կենտրոնացած միապետության հույսերով, ապա նրանց մեջ դեռ կենդանի էին նախորդ ֆորմացիայում ձևավորված համապատասխան տրուդիցիաները, մասամբ էլ նրանք ձգտում էին հետևել հարևան Բյուզանդիայի օրինակին, որտեղ այդ ժամանակ ֆեոդալիզմը դեռ ոտը չէր դրել և հզոր կայսերական իշխանությունը նախնների առարկա էր հարևան բոլոր պետությունների համար:

Հայ թագավորները չէին էլ գիտակցում, որ երկիրը ոտը է կոխել մի բուրժուական նոր ֆորմացիա, որի զարգացումն անհամատեղելի է բացարձակ միապետության հետ: Որպես թագավորներ, նրանք չէին էլ կարող ղլխի ընկնել, որ իրենց հետապնդած նպատակով կործանման լայն դուռ են բացում թե ժողովրդի ու ամբողջ պետության և թե անձամբ հենց իրենց համար: Միայն ֆեոդալների և հատկապես նախարարների կազմակերպված ուժն է, որ նրանց կարող էր հարկադրել ընդունելու գիշումների ուղին, հարմարվելու նոր հաստատական պայմաններին, համաձայնություն կնքելու ֆեոդալների հետ, ենթարկվելու նրանց որոշումներին, դառնալու այդ նոր դասակարգի կամակատարը, ինչպես հետագայում այդ տեղի ունեցավ եվրոպական մի շարք երկրներում, որտեղ թագավորները պաշտոնապես և հանդիսավոր ենրպով գլուխները խոնարհեցին ֆեոդալ դասակարգի ներկայացուցիչների առեփ: երկվեցին գործելու նրանց թելադրանքով: Այսօր անհնարին է որոշել, թե հայ իրականության մեջ ֆեոդալ դասակարգի այդ ներքին պայքարն ինչով կավարտվեր, եթե Հայաստանը դատապարտված չլիներ ապրելու երկու հարևան ռազմատենչ պետությունների մուրճի ու զնդանի միջև, սակայն պետք է անվիճելի համարել, չնայած նախարարների բոլոր հակաժողովրդական ոտնձգություններին ու պետական ոճրագործություններին, որ ֆեոդալիզմի հետագա զարգացման տեսակետից նախարարների վարած քաղաքականությունը օբյեկտիվորեն չափ ավելի ճիշտ էր, քան թագավորների վարած քաղաքականությունը:

Հատկապես սխալ ու պախարակելի էր Արշակ II քաղաքականությունը, որն ավելի կսազեր Հայաստան արշաված մի նվաճողի, քան պատասխանատվության գիտակցությամբ օժտված թագավորին: Հայ պատմագիրներն ավելի շատ գրադվել են նրա ողբերգական վիճակով, քան նրա քաղաքականության վերլուծությամբ և օրյիկտիվ գնահատումով: Եթե եկեղեցականների կողմից հնարած չեն գյուղացիներին ուղղած և Արշակ II-ին վերագրվող կոչերը, ապա հանձին Արշակ II-ի գործ ունենք մի քաղաքական գործչի հետ, որն անընդունակ է համարձակությունը զուգորդել բանականության հետ և իր քաղաքականության հետևանքների համար իրեն պատասխանատու համարել: Հիգելի իմաստուն արտահայտությամբ՝ ասածով համիմացությունը սալմանափակվում է նրա համահարությունը Վաղ ֆեոդալիզմի վերելքի շրջանում, նաուորալ տնտեսության տիրապետության պայմաններում, երբ դեռևս բացակայում էին ճանապարհները և հաղորդակցության այլ միջոցները, երբ պետական գանձարանը դժվարությամբ էր ծածկում թագավորի ընտանիքի և նրա կալվածքի ծախսերը և թագավորը նյութապես սեզոր էր օգնության ձեռք մեկնելու տեղերին, երկրի գեթ կարևորագույն շրջաններում ստեղծելու վարչական և դատական ապարատ, երբ թագավորի միակ ներկայացուցիչները տեղում թալանչի հարկահավաքներն էին, ֆեոդալները առաջադիմական գործ էին կատարում, կենտրոնացնելով իրենց ձեռքում պետական բոլոր ֆունկցիաները, դառնալով իրենց կալվածքներում իսկական ինքնակալներ: Երկրի ապրած ծանր ողբերգության պատճառն այն էր, որ թագավորները սեզոր էին արդեն խորտակված և պատմության գիրկը հանձնած միապետության վերականգնման զառանցքներով և իրենց անհեռատես ու անմիտ քաղաքականությամբ հանգում էին քայլազգույնության ու ղոնկիխոտության, իսկ գայլի ախորժակով օժտված խոշոր ու մանր կալվածատեր-ֆեոդալները դեռևս զուրկ էին դատակարգային գիտակցությունից, դիսի չէին ընկնում, որ նվազած դիրքերը պահպանելու և ամրապնդելու համար պահանջվում է ստեղծել համապետական մասշտաբով մի կենտրոնական մարմին, որի ղեկավարները գիտակցաբար ենթարկվեին դասակարգի ընդհանուր կամրին, հոծարությամբ պաշտպանեին նրա ընդհանուր համապետական շահերը:

Ինչպես վաղ ֆեոդալիզմի շրջանն ապրող բոլոր մյուս երկրներում, IV—V դարերի Հայաստանում ևս իրենց դիրքերում նոր ձևավորվող նախարարներն ու նրանց բարեկեցությանը ծառայող թալանչիական հրոսախմբերի ղեկավարները կարողացել էին արդեն ձեռք բերել գլխելու և գոփելու ամենաբարձր վարպետություն և իրենց հարստացման պրոցեսում հոգեպես այնքան էին սահմանափակվել, կուրացել ու խլացել, տարվել իրենց նվաճումներով, այնքան էին խեղդվել մոտավոր սեփականության ճիրաններում ու ստրկացել իրենց հաճությներին, որ կալվածքի ու համաներից դուրս գտնվող աշխարհը նրանց համար դադարել էր գոյություն ունենալ: Եվ եթե արդի ողբերի այդ բնակիչները հաճախակի ընդվզում էին հայ թագավորների դեմ, անկարող լինելով ստեղծել իրենց շահերին համապատասխանող մի կառավարություն, ապա չպետք է անուշադրության մատնել նաև թագավորների քաղաքականությունը, որը թունավորված էր ոչ միայն բյուզանդիզմով, այլև ստրկատիրական պետությանը հատուկ տրագիդիաներով: Փոխանակ որոնելու և դրսևորելու հայկական վաղ ֆեոդալիզմի ուրախ, կոնկրետ օրինաչափությունները, հայ պատմագիրները մոտեցել են և շարունակում են մոտենալ Հայաստանի վաղ ֆեոդալիզմի շրջանի հասարակական հարաբերությունների և դադարաբանական հոսանքների վերլուծությանը արևմտաեվրոպական և ռուսական վաղ ֆեոդալիզմին հատուկ օրինաչափությունների պատրաստի տեսանկյունից:

Եվրոպայի սլավոնական և գերմանական ժողովուրդները ստրկատիրական ֆորմացիա չեն վերապրել և նրանց առաջին պետությունները գոյացել ու ձևավորվել են վաղ ֆեոդալիզմի պայմաններում, ֆեոդալիզմի հողի վրա, ուրեմն որպես վաղ ֆեոդալիզմի պահանջներից բխող պետություններ, որոնց թագավորները միապետական-ինքնակալակա՛հ տրագիդիաներով դեռևս վախկնդ չէին: Նրանք բոլորը գոյացան Հռոմի կործանումից հետո, նրա փլատակների վրա: Հռոմի նկատմամբ ամենուրեք տիրում էր մասսայական առելություն: Հռոմի պետական ձևի ընդօրինակման մասին խոսք լինել չէր կարող: Հայաստանում, ընդհակառակը, ֆեոդալական պետությունն ստեղծվել էր ստրկատիրական պետության ձևավորումից համարյա 500 տարի հետո և ֆեոդալական հայ թագավորները, հենվելով միապետական դարավոր տրագիդիաների, իրենց նախորդներից մի քանիսի հեղինակության և իրենց պատմական ու ժառանգական մտացածին իրավունքի վրա, իրենց համար արտոնություններ էին սլահանում, որոնք չէին համա-

պատասխանում ոչ վաղ ֆեոդալիզմի հասարակական հարաբերություններին ու զարգացման ուղիներին, ոչ ժողովրդի ու իշխող դասակարգի շահերին և ոչ հենց այդ սահմանափակ մարդկանց մտավոր ու բարոյական կարողություններին: Հայաստանի նախարարներին ու ֆեոդալ ամբողջ դասակարգին պետք է քննադասել ու դատափետել ոչ թե նրա համար, որ նրանք չէին ենթարկվում թագավորին, նրան չէին հանձնում իրենց ամբոցները և հարստությունները, այլ նրա համար, որ երկրի այդ իշխող դասակարգը անզոր գտնվեց ազատագրվելու անցյալի այդ բեկորից, համակեցության որոշ ձև ստեղծելով ֆեոդալիզմի շրջանակներում, ինչպես հետագայում այդ տեղի էր ունենում Եվրոպայի համարյա բոլոր ֆեոդալական երկրներում:

Սակայն հայ ֆեոդալների նման դատափետման իրոք օրյեկտիվ ընդլի լուծում համար չի կարելի հաշվի չառնել նրանց վրա ծանրացող պատասխանատվության չափը մեղմացնող պատմական այնպիսի պարագաներ, որպիսիք են մինչև 7 դարի կեսը նրանց տիրապետության համեմատաբար կարճատև տևողությունը և հզոր քրիստոնեական եկեղեցու ունեցությունները՝ քաղաքականապես ու հոգեպես իրեն ենթարկելու թե նախարարներին և թե թագավորին: Ֆեոդալների համար մրցումը եկեղեցու հետ ներկայացնում էր մեծամեծ դժվարություններ, քանի որ եկեղեցին մի կուռ կենտրոնացած կազմակերպություն էր և սպառնում էր արդեն ձևավորված տեոկրիստական գաղափարախոսությամբ, որը հավիտենական հրավառ գեհնեով էր սպառնում թե՛ շահագործող և թե՛ շահագործվող դասակարգերին: Անհնարին չէ, որ հույ պետականությունը ներկարատելության դեպքում կաթողիկոսը տիրանար ձախողակ թագավորների ձեռքից արդեն ընկնող իշխանությանը և Հայաստանը դարձնել մի թեոկրատիկ պետություն:

Բնոր է ենթադրել, որ առաջին հատրի հեղինակները հանգամանորեն չեն մեկնաբանել մի շարք խնդիրներ, դրանք համարելով ուսանողության համար պարզ ու հասկանալի: Այս խնդիրների թվին է պատկանում, ի միջի այլոց, նաև վաղ ֆեոդալիզմի շրջանի պետության ձևի խնդիրը, որը քննարկվող հատրում լուի հարևանցիորեն է լուսաբանված: Գործում իրավացիորեն նշված է, որ ֆեոդալիզմն իր արտադրողական ուժերով գերազանցում է ստրկատիրական, ֆորմացիային, սակայն այդ ճիշտ դրուլից տրամաբանական հետևություն չի արվում այն մասին, թե պետական ձևում վաղ ֆեոդալիզմից ինչ փոփոխություններ է պահանջվում մտցնել, որպեսզի ապահովվի արտադրողական ուժերի վերելքը տվյալ ֆորմացիայի մի ափսի հասուն աստիճանի անցնելու համար: Ինչպես վկայում է եվրոպական ֆեոդալիզմի շատ հարուստ սլաոմությունը, վաղ ֆեոդալիզմի շրջանում ամենուրեք տիրել են այս կամ այն չափով կենտրոնացած պետություններ, իսկ արտադրողական ուժերի հետագա զարգացման համար պահանջվել է ֆեոդալների իշխանական իրավասության գալի ընդլայնում, մի բան, որ համազոր է պետական իշխանության մասնաւումանր: Հենց այդ ուղղությամբ էլ ընթանում էր հայ ֆեոդալների կողմից կենտրոնական իշխանության դեմ ուղղված պայքարը, և հետևապես ֆեոդալների կենտրոնախույս քաղաքականությունը պատմության այդ շրջանի համար օրյեկտիվորեն միակ պրոգրեսիվ քաղաքականությունն էր, իսկ թագավորների վարած կենտրոնաձիգ քաղաքականությունը ստրկատիրական անցյալի մի վերապրուկ էր, որը երկրի տնտեսական ու կուլտուրական վերելքի նոր ֆեոդալական պահանջներին բնավ չէր համապատասխանում:

Բնական է, որ փոխադարձ առնություն և պայքարի նման քաղաքական միտությունում կողմերի ժամանակավոր համաձայնությունները և համերաշխ ելույթները դառնում էին համարյա անհնարին նույնիսկ օտարների կողմից երկրի անկախությանը և գոյությանը սպառնացող վտանգի դեպքում: Սակայն այստեղից չի կարելի հանգել այն եզրակացության, որ ֆեոդալիզմի վերելքի շահերը պետք էր զոհարել պատմականորեն արդեն սնանկացած միապետության վերականգնման շահերին, ու օգուտ կախված, իրենց դասակարգի թշնամացած ու հետևողական որևէ քաղաքականության անընդունակ թագավորների ունեցություններին: Ինչպես վերը նշեցինք, միակ ելքն էր՝ ֆեոդալական պետության շենքում կատարել արմատական փոփոխություններ, որոնց միոցով հնարավոր լինել սպառնվել թե երկրի ընդհանուր վերելքը և թե նրա պետական անկախությունը, որոնք այս նարավոր էր ֆեոդալիզմի տիրապետության պայմաններում:

Տվյալ խնդրում հայ պատմագրությունը բարվոր է համարել հետևել արևմտանրոպական ու ուսական պատմագրության այն բազմաթիվ ներկայացուցիչներին, որոնք ֆեոդալական ֆորմացիան համարել են հետամնացության, բարոարոսության և խավարի մի շրջան, պատմական առաջխաղացման պրոցեսի մի երկարատև ընդհատում և վերածննդի դարը հայտարարել են ոչ

թե պատմական զարգացման հետևանք, այլ հունական և հռոմեական կուլտուրայի «վերածնունդ» և շարունակություն:

Վերջին հարցը, որի վրա չի կարելի կանգ չառնել, վերաբերում է դասակարգային պայքարի մարքս-լենինյան ուսմունքի կիրառմանը «Պատմության» առաջին հատորում:

Աշխատության հեղինակները կանգնած են դասակարգային պայքարի տեսակետի վրա, սակայն նրանց չի հաջողվել այդ տեսակետը ուղեցույց թել դարձնել մոտ հազար հինգհարյուր տարվա պատմության շարադրության ամբողջ ընթացքում և այդ տեսակետից վերլուծության ենթարկել ու բնութագրել գեթ կարևորագույն պատմական իրադարձությունները: Այս թերությունն առանձնապես աչքի է ընկնում գրքի այն հատվածներում, որոնք նվիրված են դասակարգերի ծագմանը Հայաստանում, պետության կազմավորման պայմաններին և նրա ձևերի փոփոխմանը, ստրկատիրության համեմատությանը ֆեոդալիզմին հատուկ առավելություններին, աշխատանքի պատմական ձևերին և արտադրող մասսաների դերին նոր արտադրողականության վերելքի պրոցեսում, բազմաստվածության համեմատությանը քրիստոնեությանը հատուկ առավելություններին, քրիստոնեության տարածման պայմաններին, ֆեոդալիզմի և ճորտության միջև գործող անբաժանելի կապերին, տնտեսության և քաղաքականության փոխադարձ հարաբերություններին, հայ պատմագրության դասակարգային բնույթին և ընդհանրապես կուլտուրայի պայմանավորվածությանը հասարակական բազիսով:

Աշխատությունը ընթերցողին չի կարող համոզել նրանում, որ հայ ժողովրդի պատմությունն այս ինչ ֆորմացիաներում եղել է դասակարգային պայքարի պատմություն, քանի որ նրանում բացակայում է մի շարք կարևոր հարաբերությունների ու իրադարձությունների դասակարգային վերլուծությունը: Նրանում ավելի ուշադրություն ու ժողովրդի նվիրված ընդհանուր շահերին, ժողովրդի վիճակին, քան այդ վիճակը պայմանավորող դասակարգային հարաբերություններին: Ժիշտ է, աշխատության մեջ հանդիպում ենք դասակարգային պայքարի մի քանի խոշոր օրինակների մանրամասն շարադրությանը, սակայն պատմական ամբողջ պրոցեսի դասակարգային վերլուծության խնդիրը դրանով չի լուծվում: Դասակարգային հասարակության պատմության շարժիչ ուժը դասակարգային պայքարն է, որին և պատկանում է ամբողջ պրոցեսի որոշիչ դերը, այնինչ հակադիր դասակարգերի միասնությունը միշտ և ամենուրեք կրում է պայմանական և ժամանակավոր բնույթ, ընդ որում դասակարգային պայքարը երբեք չի դադարում, ինչպես, օրինակի համար, մեր օրերին այդ տեղի ունի բանվորների և կապիտալիստների միջև կնքվող պայմանագրերից հետո, նույնիսկ պայմանագրերը ստորագրելու մոմենտներին:

Ի վերջո, անհրաժեշտ եմ համարում նկատել, որ հոգվածիս նպատակը ոչ այնքան «Պատմության» առաջին հատորի հեղինակների քննադատությունն է, որքան բարձրացրածս հարցերի կուլեկտիվ մշակման ու լուծման բուռն ցանկությունը:

Է. ԱՋԱՏԾԱՆ